

Na osnovu člana 205. Zakona o osnovama bezbjednosti saobraćaja na putevima u Bosni i Hercegovini („Službeni glasnik BiH“, broj 6/06, 75/06, 44/07, 84/09) ministar komunikacija i transporta Bosne i Hercegovine donosi

NAREDBU

O HOMOLOGACIJI ZAPTIVENIH GLAVNIH SVJETALA („SEALED-BEAM“-SB) ZA MOTORNA VOZILA KOJA EMITUJU JEDAN EVROPSKI ASIMETRIČNI OBORENI SVJETLOSNI SNOP I/ILI JEDAN VELIKI SVJETLOSNI SNOP

I PODRUČJE PRIMJENE

Član 1.

Zaptivena svjetla („SEALED-BEAM“-SB) za vozila kategorije T koja emituju jedan evropski asimetrični oboreni svjetlosni snop ili jedan veliki svjetlosni snop, ili oba svjetlosna snopa moraju biti homologovana u skladu sa ovom naredbom.

II ZAHTJEVI

Član 2.

Jednoobrazni uslovi za zaptivena glavna svjetla iz člana 1. ove naredbe koji podliježu ispitivanju, metode ispitivanja, način vršenja kontrole saobraznosti serijske proizvodnje sa homologovanim tipom, postupak i način uzimanja uzoraka serijske proizvodnje, sadržaj izvještaja o ispitivanju radi izdavanja saopštenja o homologaciji, izgled homologacijske oznake i obrazac saopštenja o homologaciji dati su u Jednoobraznim propisima koji se odnose na homologaciju zaptivenih glavnih svjetala („Sealed beam“-SB) za motorna vozila, koja emituju jedan evropski asimetrični oboreni svjetlosni snop i/ili jedan veliki svjetlosni snop (Pravilnik broj 5 Ekonomske komisije za Evropu Organizacije ujedinjenih nacija, u daljem tekstu: ECE pravilnik br. 5), sa važećim izmjenama i dopunama koje je prihvatila i primjenjuje Bosna i Hercegovina, donesenim na osnovu Sporazuma o usvajanju jednoobraznih tehničkih propisa za vozila sa točkovima, opremu i dijelove koji mogu biti ugrađeni i/ili korišćeni na vozilima sa točkovima i uslovima za uzajamno priznavanje dodijeljenih homologacija na osnovu ovih propisa („Službeni glasnik Bosne i Hercegovine“, broj /2010).

ECE pravilnik br. 5 u izvornom obliku (na engleskom jeziku) dostupan je u Ministarstvu komunikacija i transporta Bosne i Hercegovine, odnosno kod organizacije određene za obavljanje administrativnih poslova u oblasti homologacije.

III HOMOLOGACIJA I ISPITIVANJE

Član 3.

Homologacija zaptivenih glavnih svjetala u smislu ove naredbe vrši se na uzorcima tipa obuhvaćenim ovom naredbom.

Homologacijska ispitivanja zaptivenih glavnih svjetla u smislu ove naredbe može provoditi samo laboratorija ovlašćena od strane Ministarstva komunikacija i transporta Bosne i Hercegovine.

IV PROVJERA USKLAĐENOSTI

Član 4.

Provjera usklađenosti vozila sa zahtjevima ove naredbe provodi se prema postupku koji je propisan Pravilnikom o homologaciji vozila, dijelova, uređaja i opreme vozila („Službeni glasnik BiH”, broj 41/08).

Pri provjeri usklađenosti novoproduzvenih i korišćenih vozila prihvataće se homologacije dodijeljene u skladu sa serijom (serijama) izmjena i dopuna ECE pravilnika br. 5 prema Odluci o najnižim tehničkim zahtjevima za novoproduzvena i korišćena vozila pri homologaciji tipa vozila i homologaciji pojedinačnog vozila, koju će donijeti ministar komunikacija i transporta Bosne i Hercegovine.

V PRIMJENA

Član 5.

Ova naredba stupa na snagu osmog dana od dana objavljivanja u „Službenom glasniku BiH”.

Danom stupanja na snagu ove naredbe prestaje da važi „Naredba o ratifikaciji osam pravilnika (od 1. do 8.) za jednoobrazne uslove za homologaciju auto-opreme”, „Jednoobrazni propisi koji se odnose na homologaciju zaptivenih velikih svetala („sealed beam”) za motorna vozila, koja emituju asimetrični oboreni evropski svetlosni snop za put ili jedan veliki svetlosni snop za put, ili oba svetlosna snopa” („Službeni list SFRJ-Međunarodni ugovori i drugi sporazumi”, broj 2/69).

Ministar

.....
mr sc. Rudo Vidović